

colorchecker CLASSIC




0 cm 1 2 3 4 5 6 7 8 9 10 11 12 13 14 15 16 17 18 19 20


x-rite


mm

THE UNIVERSITY OF CHICAGO PRESS










M. 13,500.

Cat. Morsau,

n. 2444.



21^v 325

LE

MEMOIRE

DES PLUS REMARQUABLES PIECES

faites depuis le 26. Aoust iusques à present.

Contenant vne particuliere description de toutes les
affaires & negociations de l'Estat & des Barricades,
avec l'emprisonnement de Monsieur
de Broussel.

Ensemble son eslargissement.



A PARIS,

Chez CLAVDE MORLOT, rue de la Bucherie;
aux Vieilles Estuës.

M. DC. XLIX.

AVEC PERMISSION

168

22

LE

MEMOIRE

DES PLUS REMARQUABLES PIÈCES
faites depuis le 26. Aout 1789 jusqu'à présent.

Contenant une particulière description de toutes les
affaires & négociations de l'Etat & des Parliamens
avec l'emprisonnement de Monsieur
de Broul.

Exemplaire son chargement



A PARIS,

Chez CLAUDE MORLOT, rue de la Bucherie,
aux Vieilles Ecuries;

M. DC. XLIX.
AVEC PERMISSION



Le Memoire des plus remarquables pieces faites depuis le 26. Aoust iusques à present: Contenant vne particuliere description de toutes les affaires & negociations de l'Estat & des Barricades, avec l'emprisonnement de Monsieur de Broussel, & son eslargissement.

Mercredy 26. Aoust 1648. La Reine pour oster tout soupçon que les Parisiens auoient conçu, qu'elle n'estoit bien aise de la victoire obtenuë en Flandre proche de la ville de Lens en Artois par l'armée du Roy, conduite par Monsieur le Prince dessus l' Archeduc Léopold, fit chanter le *Te Deum* dans l'Eglise Nostre-Dame Cathedrale de la ville de Paris, plus magnifiquement que iamais, il y auoit des gardes depuis le Palais Cardinal, iusques dans le Paruis Nostre-Dame, dequoy se voulant se preualoir à l'issuë de cette ceremonie, l'on fut au logis de Monsieur de Broussel comme il disnoit, & fut enleué si promptement, que le quartier n'en sceu rien qu'il ne fut hors leur pouuoir de le pouuoir secourir: Neantmoins ledit sieur de Broussel du long des ruës, il mit sa teste à la portiere du carrosse qui ce brissa deuant la porte de Monsieur le premier President; mais il fut remis si promptement dans vn autre carrosse d'vne Dame qui passoit fortuite ment par là, où il fut conduit au Palais Cardinal, de là au Menil Madame Tance. Cependant le Bourgeois ce grossit en vn moment, & passerent vne partie de leur collere sur le debris de ce carosse qu'ils ietterent dans l'eau, de là allerent au logis de Monsieur le premier President à dessein de le mal-traiter, mais il les preuint, venant au deuant d'eux criant à haute voix, allons, allons enfans, il faut auoir nos prisonniers, Monsieur de Blanc-Mesnil estoit aussi prisonnier à la Bastille, ie m'enuois au Palais Cardinal les demäder, venez avec moy, en effet il y alla accompagné de Monsieur le Coadiuteur Archeuesche de Corinthe, vestu des habits Pontificaux, suiuy d'vn nombre infiny de toute sorte de peuple, qui furent renuoyée sans rien obtenir, ny mesme auoit audience, sinon qu'on dit à Monsieur le

652
Coadiuteur qu'il se messast de dire son Breuiare, & que l'on auoit
donné bon ordre pour empescher les Bourgeois de faire les mes-
chans, & que le lendemain les prisonniers payeroient pour tous;
Au mesme temps on vid sortir le grand Maistre, suiuy de cent
homme de caualerie, allant le long des ruës, faisans les braues, pen-
sant par leur rodemontade espouuanter la populace: Mais venant
pour entrer dans la Cour du Palais en la rue S. Louis, on le salua
d'vne si grande quantité de coups de pierre, vne desquelles ayant
eu l'effronterie d'ateindre la moustache dudit grand Maistre, fut
contraint de s'en fuir avec tous ses gens; Les Bourgeois en vn mo-
ment tendirent les chaisnes par tout Paris, les gardes demeurèrent
sur le pont-Neuf, & autour du palais Cardinal, le reste de la iournée
se passa en allée & venue que le Parlement fit au palais Cardinal
sans rien obtenir, cependant le peuple marchant en grande troupe
le long des ruës, qui ne parloient que tuer, brusler & piller sur le soir
lesdites gardes, quitterent le pont Neuf, & allerent avec le reste au-
tour du palais Cardinal. Le lendemain à six heures du matin, le
Chancelier pensant que le Bourgeois auoit jetté son feu venant
au palais porter plusieurs lettre de cachet pour empescher le Par-
lement de s'assembler, & pour exiller plusieurs, voulant entrer dans
la place Dauphine, il voulut faire abattre vne chaisne qui luy fut
après plusieurs contestations refusée apres quelque parole, il fut
reconnu du peuple, qui dirent c'est le Chancelier, il le faut ietter
dans la riuiere, ce qui l'obligea de passer outre, gagna le quay des
Augustins, & estant vis à vis de l'Hostel de Luyne, ce voyant pour-
suuis de quantité de le ne scay qui, & gens de neant qui crioient
arresté il le faut tuer, ce qui l'obligea de ce jeter dans ledit Hostel
de Luyne, qui fut en mesme temps enfoncé, & on le chercha par
toute le logis sans le pouuoir trouuer, il estoit caché avec sa fille dans
vn nissement, il se passa en cette recherche près de deux heures, au
bout doquel temps, deux compagnies des gardes, sçauoir l'vne
Françoisë & l'autre Suisse, accompagnée du grand Maistre & de la
gendarmérie du Roy y arriuerent, qui d'abord firent retirer le
Bourgeois qui y estoit sans armes; pendant le temps M. de Droit
Capitaine au Regiment des gardes du Roy, assiste de quatre soldats
François, se saisit du Chancelier, & firent marcher au milieu de la
caualerie à pied, plus viste que les cheuaux qui n'estoient que vis à

vis les Augustins, quand ils furent pourſuiuus des Bourgeois armez, marchans la teſte beſſée; ce que voyant ledit grand Maistre fit aller au bout du Pont-Neuf, où il se fit des deſcharges de part & d'autre; Enfin les gardes laſcherēt le pied, & s'allerent retrācher derriere le cheual Bronze, où le Chancelier monta au carroſſe de Monsieur le Lieutenant Ciuil. Cependant les Bourgeois le pourſuiuoient tous-jours, ils obligerent les gardes de s'en fuir avec ladite caualerie, & d'abandonner ledit Pont-Neuf qu'ils gardoient des le iour precedent. Vn Capitaine mettant le pied dans le carroſſe, receut vne mouſquetade, dont il mourut. Outre il y eut deux gardes à cheual tyés; le carroſſe où estoit ledit Chancelier, passa pardeſſus le corps du fils de Monsieur Sanson Geographe du Roy, s'estāt laiffé tomber apres auoir eſté bleſſé, & mourut peu de iours apres, & auſſi quelque Suisse. Plusieurs coups furent tirez dans le carroſſe par les fenestres, dont l'vn passa à deux doigts de la teſte du Chancelier, le peuple comme en deſeſpoir de l'auoir manqué, jeterent plusieurs pierre aux maisons, & caſſerent plusieurs viſtre pour eſmouuoir le Bourgeois à ouuoir leur porte qu'ils auoient fermés, & prendre les armes, ce qu'ils firent: Cependant quelque ſorte de gens mal aduisez, allerent dans le logis de Monsieur de Luynes, où le Chancelier c'estoit saué, le pillerent; Monsieur & Madame de Luynes furent contraints de se sauuer en chemiſe chez Monsieur de Bernier leur voisin: De là ces mal aduisez allerent chez certains Moines Italiens, appelez les Theatins qu'ils chaſſerent à coups de baſtons hors de leur Couuent: Sur les neuf heures vne compagnie de Suisse venāt par deſſus le pont Rouge pour se ſaiſir du Pont-Neuf, fut arreſtée au pied du paillon de l'Hoſtel de Neuers par deux ou trois Bourgeois qui tuerent le Capitaine Suisse, voyant leur Capitaine en bas prirent la fuitte, & s'allerent ſaiſir dudit pont Rouge, y faiſans bonne garde au deux bouts d'iceluy pont qu'ils auoient toujours tenu: Cependant vne fille ou femme reueſtuē d'vn cotillon rouge, monte à l'orloge de la Pompe du Pont-Neuf, & sonna le toclain, le peuple se meut entendant le toclain, & voyant cette compagnie de Suisse qui venoit pour s'emparer dudit Pont-Neuf, ſortirent de leur maisons armés, & commencerent à se barricader d'vne telle ſorte, qu'en moins de deux heures la ville de Paris fut barrē.

102

cadée de toute parts, & plus de six cens mille Bourgeois en arme tous bien resolu, & avec bon ordre de quartier en quartier; La plus grande partie de l'entrée des ruës furent despauee pour ayder a faire lesdites barricades, faisans des fossés remplie d'eau aux pieds de plusieurs, principalement d'une qui estoit vis à vis la porte de Paris. Les premieres barricades commencerēt au bout du Pont-Neuf du costé du quay de la Megisserie, auquel coing il y auoit sept barricades, tous bien gardez, & soustenus de bons Bourgeois, ainsi dans les autres ruë de vingt toisse en vingt toisse, tous estoient bien barricadez la moindre estoit capable d'arrester vne armée depuis les Augustins iusques proche le Palais Royal, il y auoit plus de trente place d'armes; Les Bourgeois firent poser des sentinels proche le Palais Cardinal, & vis à vis celle des Suisse qui n'osoient branler, le tout se faisoit par l'ordre des Bourgeois: Melme sur les dix heures, le Parlement en corps alla au Palais Cardinal faire leur remonstrance à la Reine, que si elle ne rendoit les prisonniers qu'ils n'estoient maistre du peuple, & qu'ils ne respondoient pas du malheur qui en pourroit arriuer, l'on se mocqua d'eux & les enuoya sans rien obtenir; mais en s'en retournant, comme ils arriuerent à la trois ou quatriesme baricade, le bourgeois leur demanda pourquoy ils ne ramenoient point leurs compagnons, & sans entendre aucune raison ils voulurent prendre le premier President au collet, en luy disant qu'il estoit vn meschant & qu'il respondroit des prisonniers, ayant fait quelque resistance il s'eschappa, & tout le corps du Parlement retourna trouuer la Reyne, arriuant au Palais Cardinal en ce desordre la Reyne ne vouloit pas leur donner Audiance, mais ils l'obindrent à la faueur de la Reyne d'Angleterre qui estoit là presente, le premier President se ietta à genoux deuant la Reyne, en luy disant que tout le Parlement venoit implorer ses graces, & que si elle ne donnoit ordre que les prisonniers fussent rendus dās deux heures tout estoit perdu, le Cardinal fit responce qu'il n'y auoit point tant de mal qu'ils disoient, le premier President luy reparti, que s'il vouloit marcher dans Paris voir comme tout estoit disposé à la reuolte que le Parlement le suiuoit, mais il n'en voulut rien faire La Reine voulant encore renuoyer Messieurs du Parlement sans rien obtenir, ny esperance de r'auoir leur prisonniers, luy dirent

7
qu'ils ne sortiroient point, qu'ils vouloient mourir dans le Palais
Cardinal, non pas dans les ruës, ce que voyant la Reine, prit trois
resolutions: La premiere, enuoya querir Monsieur le Comte
d'Harcourt luy dit qu'elle luy donneroit dix mil hommes, & qu'il
marchast dans les rues de Paris, à leur teste & faire main basse à
tout ce qui s'opposeroit à luy, lequel luy fit responce qu'il feroit
tout ce qu'il luy plairoit commander, mais qu'il ne passeroit la pre-
miere barricade avec ses dix mil hommes: La seconde, qu'elle
vouloit faire fortir le Roy de Paris: Et la troisieme & derniere re-
solution qu'il falloit rendre les prisonniers, & qu'elle s'en vengeroit
au quartier d'Hyuer. Au mesme temps, on depescha Monsieur de
Thou avec vn Exempt des gardes du corps dans le carrosse du
Roy, attellé de six cheuaux, pour aller au bois de Vincenne que-
rir Monsieur de Blanc-Mesnil lequel carosse passa par dessus le
pont aux Biches, autrement dit la rue Neufue Saint Martin, pas-
sant pardeuant le lieu & demeure des Chiffonniers il fut arresté par
lesdits Chiffonniers, le Postillon receut vn grand coup de pierre au
coulde, plusieurs coups de pierres & crochets donnez aux cheuaux,
qu'ils ne vouloient laisser passer, en fin apres plusieurs remontran-
ces par ceux qui estoient dans ledit carrosse en leur montrant la
commission de la Reine qui estoit pour aller querir Monsieur de
Broussel & Monsieur de Blanc-Mesnil le laisserét passer, en mesme
temps on depescha vn courrier pour enuoyer querir Monsieur de
Broussel qui estoit au Mesnil Madame Rances: cependant garde
par tout par ordre des Messieurs de Ville, qui enuoyerent sur les
quatre heures du soir du Ieudy vingt-septième du mesme mois, les
Capitaines des quartiers par toutes les maisons faire commande-
ment de prendre lesdites armes, & aller faire bonne garde tout le
long de la nuit, autorisant par là les Bourgeois qui auoient pris les
armes sans ordre. Le lendemain Vendredy vingt-huictième sur
les huit à neuf heures du matin, les prisonniers arriuerent par la
porte saint Martin, & sur le Midy apres qu'il se furent montrez à la
populace, l'on publia vn Arrest du Parlement, par lequel l'on fai-
soit commandement à toute sorte de personnes de se retirer, baisser
les chaines, & rompre lesdites barricades, & à tous Marchands &
Artisans d'ouuir leur boutique qu'ils auoient fermée, ce qui fut in-

828

continent executé sans aucun bruit ny d'ordre, & chacun se retira
 iusques sur les neuf à dix heures du soir, qu'il vint vn grand bruit
 qu'il entroit des caualiers dans la ville, chacun se remit dans son
 poste, il se trouua que c'estoit deux charrettes d'amonitions de
 guerre sortant de l'Arсенac, chargez en apparence de vin; mais
 quand ils furent au Faux-bourg saint Antoine, ils furent pilléz,
 l'on dit que c'estoit pour mener au Palais Cardinal, les autres disent
 que c'estoit pour des caualiers que l'on auoit veu pendant tous ces
 troubles rendu autour de cette Ville en ce desordre, lequel a si bien
 pratiqué, il n'y a pas eu tant d'vne part que d'autre quarante ou cin-
 quante tant homme que femme & enfans tuez que blessez. Voila
 vn *Te Deum* suiu de quantité de *Deprofundis*.

FIN.



[Faint, illegible text, likely bleed-through from the reverse side of the page.]

